



Claudii Fleurii Abbatis Historia Ecclesiastica

Ab anno Christi 1431. usque ad annum 1441

Fleury, Claude

August. Vind. [u.a.], 1768

VD18 90118316

§. 136. Aliæ Græcorum schismaticorum lucubrationes contra unionis
Decretum.

[urn:nbn:de:hbz:466:1-66426](https://nbn-resolving.org/urn:nbn:de:hbz:466:1-66426)

Sæcul. XV.
A. C. 1440.

§. CXXXVI.

Alia Græcorum Schismaticorum lucubrationes contra unionis Decretum.

Ceteri quoque Græci Schismatici adversus decretum suos calamos strinxerunt, sparsis per totum Orientem, & præcipue per urbem Constantinopolitanam sexcentis mendaciis. Horum nonnulli Græcos, atque inter eos præprimis Josephum Patriarcham auro corruptos, & suffragia nonnisi coempta fuisse, per summam impudentiam effutierunt: alii non minori protervia mentiebantur, quod ad signandum Decretum inedia ferme ad mortem tolerata compulsi fuerint: calumniabantur isti, omnia exemplaria in Synodo allata a Latinis adulterata fuisse, hi in vulgus spargebant, non omnes concordiaë subscripsisse, illos vero, qui subscribere, sententiam suam retractasse, eoquod a Latinis seducti fuissent, tandem omnes una voce proclamabant, cunctas fidei regulas funditus everfas, antiquorum Patrum, ac Conciliorum doctrinam fuisse damnatam, & sacrosanctos Ecclesie Græcæ Ritus perperam transmutos. Omnes hæc Græcorum calumnias Bessarion, & alii invictis omnino argumentis confutaverunt, & oppositam veritatem irrefragabili

testimo-

testimonio comprobantes, Marci Ephesi-
ni confusionem, inscitiam, & fallacias de-
& Decreta vindicarunt lucubrationibus
eximia eruditione longe celeberrimis, quæ
tamen, cum non nisi, Marco jamjam vivis
erepto, publicam aspexissent lucem, a Græ-
corum animis, qui aliunde ab innato in
Latinos odio præventi erant, impetrare
haud poterant, ut vel ad veritatem ample-
ctendam magis dociles, vel in schismate
minus obstinati evasissent.

Sæcul. XV.
A. C. 1440.

§. CXXXVII.

*Græci Constantinopoli in factiones
circa unionem scissi.*

Tandem eo proterviæ sunt delati, ut
cum illis, qui Synodo interfuerant,
aut Decreto obediendum affirmabant, in
Divinis communicare, omnino detrecta-
rent, eosque tanquam anathemate per-
cussos, omnisque pietatis expertes a suo
commercio excluderent, quos cum Impe-
rator sacris interesse jussisset, schisma-
tici ab eis recesserunt, solosque in Eccle-
sia reliquerunt. Denique dissensionis
flammæ tam ampla ceperunt incremen-
ta, ut etiam Imperatoris nomen ex Dyp-
tichis in compluribus Ecclesiis deletum
fuerit.

P p 4 §. CXXXVIII.